

義寧州志卷第十

封爵

河山帶礪列爵分封古艾侯服邈矣流風自漢而後代有
酬庸雖不之國食戶階崇或除或續視罪與功茅土五等
約紀前蹤志封爵

吳

朱然丹陽故鄣人朱治姊子本姓施建安二十四年以從討
功封西安鄉侯赤烏十二年卒

施績朱然子赤烏十二年嗣封西安鄉侯五鳳中表還為施
氏建衡二年卒詳吳志本傳

按韓昌黎太學博士施先生士丐墓銘太尉之孫始為
吳人曰然曰績亦載其跡然漢太尉施延孫也

晉

義寧州志

卷十

封爵

四百十二

永修公國相萬主

歐陽詢藝文類聚引范甯表

桓伊字叔夏譙國銍人初以功封宣城縣子及與謝元共破
符堅於淝水進右將軍封永修縣侯性謙退不伐善不施
勞有顏子之風又善音律卒諡曰烈子肅之嗣卒子陵嗣
詳晉書本傳又寰宇記一統志廣輿記並載伊墓在南昌
府城南

謝玩康樂縣公元兄子元請以先封東興侯爵賜玩詔聽之
後更豫寧伯 晉書

宋

王曇首琅邪臨沂人元嘉七年卒九年以預誅徐羨之等謀
追贈左光祿大夫封豫寧縣侯邑千戶諡曰文 宋書

王僧綽曇首子元嘉中嗣侯為元凶所殺世祖即位追贈光

祿大夫諡曰愍全上

王儉僧綽子世祖初嗣侯全上

劉仲容以功封永修縣侯見宋書江夏王傳後

檀道濟高平金鄉人高祖受命以佐命功改封永修縣公食

邑二千戶太祖即位進封武陵郡公食邑四千戶及討平

謝海增封千戶見宋書本傳又通志載湖口小鳳凰山有檀道

濟墓

齊

劉懷珍大明二年以破北功封廣晉縣子泰始二年平殷炎

改封艾縣侯食邑四百戶建元四年卒追贈鎮北將軍諡

曰敬侯子靈哲以兄子景煥陷北辭弗嗣世祖令北使告

其主送以還南襲封見齊書本傳

義寧州志

卷十

封爵

二 四百二十六

梁

王亮琅邪臨沂人高祖受禪引參佐命封豫寧縣公食邑二

千戶天監二年朝會萬國亮辭疾不登殿為御史中丞奏

削爵廢為庶人國除梁書

裴之橫太清中隨王僧辨拒侯景於巴陵遷持節平北將軍

封豫寧縣侯食邑三千戶承聖三年江陵陷齊高渙挾貞

陽侯攻東關之橫戰歿贈司空諡忠壯全上

裴鳳寶之橫子父歿後嗣侯全上

馮道相廣平鄆人高祖即位初封增城縣男邑二百戶天監

六年伐魏有功進爵為伯改封豫寧邑五百戶普通元年

正月卒贈信威將軍諡曰威梁書

馮懷道根子普通元年嗣伯全上

陳

陳昶高祖從孫永定元年例封豫章縣侯邑五百戶

南史陳昶傳

江西通志昶誤作祐

陳擬高祖從子高祖踐祚封擬永修縣侯食邑五百戶天嘉

元年卒贈領軍將軍諡曰定子黨嗣

詳陳書宗室本傳

宋

趙承祀封豫寧郡公太宗後穎王嗣

宋史世系

按寰宇記陳永定三年立豫寧郡尋廢而宋封爵尚用其名

元

阿忒納答失里天歷元年封西安王

詳元史諸王表

按列爵惟五蓋王封踰等而六古王者封同異姓蓋親親賢賢貴貴之義繫焉艾縣侯始見於齊劉懷珍西安

義寧州志

卷十

封爵

三

二百五十八

永修豫寧固艾故域也雖其時虛擁名號未必就國而開國論功計戶實食班班具載前史錄之以存古制且補舊志之缺云